

蔣廷黻著

社會學論

中華書局印行

民國二十五年
印刷
發行

社會科
叢書

紙幣概論 (全一册)

實價國幣九角

(郵運匯費另加)



著者

蔣廷黻

發行者

中華書局有限公司
代表人 陸費逵

印刷者

上海
中華書局印刷所
澳門路

總發行處
上海福州路

中華書局發行所

分發行處
各埠

中華書局

(本書校對者柳啓新 何籀筠) (一〇六七)

錢序

當社會文化幼稚時代，物物交換，供求簡單，亦可交易而退，各得其所。洎乎分業發達，交換之範圍日廣，種類日繁，若無媒介物居間，則不足以定借貸之標準，明價格之尺度，而使交易達於興盛之城也。於是特定某種貨物，爲交換之媒介，卽經濟學上所謂爲貨幣者是也。獨是貨幣之種類，亦復不一，視其時代人民之需要如何，而任其自然行使，如農業時代，以穀物爲貨幣；狩獵時代，以毛皮爲貨幣；漁業時代，以貝殼爲貨幣；社會文化邁進，此類貨物之貨幣，早歸淘汰，而專用金屬品矣。此卽現代各文明國，採用貴金屬爲貨幣之濫觴也。及至交通發達，交易頻繁，金屬硬貨，仍覺輸運爲艱，授受不便，且因法制嚴明，信用昭著之演進，於是用記載一定價格之紙片，代表其國之本位貨幣，而紙幣之制度興焉。夷考我國類似紙幣者，起源於周，所謂官府聽稱謂以傅別，傅別，卽券書也。漢武財用匱乏，更有皮幣等。唐時有飛錢，宋太祖倣之，有所謂便務錢。此二者，固不得爲紙幣，特匯票之一種耳。直至宋真宗時，有交子，高宗時有會子，頗有紙幣之形式，初任富民發行，後因濫發謀利，政府干涉，而自起發行，始具法制紙幣之規模焉。迨至金元，漸形濫發，兌現無期。有元一代，幾成紙幣世界，物價騰踊，民不聊生，因之釀成大亂。說者歸咎於紙幣，而不知元人運用失當，有以致之。明興，鈔制不廢，而發行不多，尙無流弊。清初，紙幣絕迹，以銀與制錢爲主。光宣間始由大清銀行發行，入民國而日益膨

脹矣。究之，紙幣之需要，可與布帛菽粟相類，其利弊亦與民生國計相關。學友蔣君清如，有見於此，特於公餘，參考中外名篇，抒以卓見，推論成書，貢諸社會，其蒐輯之宏富，條理之精密，有目共賞，毋待贅言。當今東西各國，及我國政府，厲行貨幣改革之時，得此可以為政學界之南鍼，著作林之瓊寶，凡商業專科及大學中之治經濟政治學者，皆當手置一編，以供研討焉。是為序。

民國二十四年十二月吳興錢永銘

吳序

輓近信用制度日張，各國對於節約金屬貨幣之用，已漸有一致之趨嚮。紙幣既足代替硬幣，以爲交易之媒介，又值此各國貨幣戰爭，通貨管理之時，紙幣之功能，當屬顯著。

顧紙幣之發行也，端在制度之完善與否；蓋其爲利爲弊，不在兌換與不兌換，而在發行數量，是否適應社會之需要爲前提。觀於歐戰後期德國之馬克，帝俄之盧布，濫發逾限，終致價值等於廢紙，是其爲害，又不及待言。

我國紙幣素未統一，內地私票，尤稱紊亂，近自銀幣感受世界銀價影響，益使工商蕭索，金融呆滯，整個國民經濟基礎動搖。於是十一月三日新貨幣法令之公布，實行統一發行，集中準備，並以中央中國交通三行鈔券爲法幣。此種自銀幣改爲紙幣之革新，乃使金融轉於穩定，農工商得以復興。是故中外輿情，一致讚許，謂爲必要之圖。

惟是此項新貨幣政策在公布之前，或謂我國將實行紙幣政策，或謂將實行通貨膨脹，人言藉藉，謠詠紛起；既公布之後，雖已證明前傳之不確，而真義所在，國人仍多未盡了解，此於近世貨幣之學，以及國內外金融大勢，尙無深切之研究。況其將來影響何如？國際貿易有何變化？農工商如何得以復興？以及新貨幣政

策之繼續步驟何若？凡此皆必有理論之闡明，史籍之參證，方足以資探討。適友人蔣君清如出其平日研究心得，治事經驗，著有紙幣概論一書。分其內容爲理論與史略兩大篇，洋洋十餘萬言。不特理實兼顧，巨細靡遺，而條分縷析，取材亦極豐富；又於我國各地之紙幣狀況，敘述綦詳，藉可反證新貨幣政策實施之必要。行見此書問世，自必傳誦一時，而爲國人研究紙幣者之唯一參考。用綴數言，藉申欽佩，不足言序也。

民國二十四年十二月吳蘊齋識於上海金城銀行

秦序

德儒許德勃蘭論國民經濟之形成，嘗曰：原始人民，自給自食，老死不相往來，其詳不可得而考矣。逮智慮漸益，欲望漸奢，己所有者或有餘，所無者或其所欲，於是有易無，物相交易。惟以物易物，有時而窮，不得不假中介之物，而貨幣以興。降及近世，信用經濟之說大行，蓋進化之極致焉。

原夫貨幣之用，繫乎國計民生者甚大。古者刀幣玉帛，皆所以市易，證以克洛潑之言益瞭然。於邃古之世，金銀與其物質之值，籠括爲一，紊然而不可辨，名曰衡金制度。自圓法立，幣制乃定，於是貨幣爲法制之產物，浸及金銀物質，判然異值，爰以國家政令，製爲紙幣，而信用之貨幣，於焉告成。蓋今日之經濟制度，貨幣誠自具性靈，固無庸與物質膠附，試覈歐美幣制現狀，可以觀已。

竊嘗考之載籍，周景始鑄大錢，漢武之白金三品，鹿皮薦璧，已備剗造貨幣之思。其後唐之飛錢，鈔引，宋之交會，是直以楮爲錢矣。元明兩代，盛行寶鈔，紙幣制度，奉行不替，雖成敗利鈍各異其趣，而研討其故，實因人謀之不臧，非關制度之失宜，所謂能者輻輳，不肖者瓦解是也。

邇者，寰宇經濟，益趨衰落，歐美各邦，咸感錢重之患，乃競屏硬幣而實施幣制管理，大勢所趨，非人力所能推挽，秉國事者審度時宜，權衡輕重，當機立斷，以應切要非常之局，有不得不然者矣。

蔣君清如，學識淹雅淵博，平居於貨幣問題，殫慮覃思，久著聲譽，茲復本其學驗，著成是書，其能供當局抉擇，殆無可疑。故樂爲之序云。

民國二十四年十二月秦汾

鍾序

文明日進，人事日繁，而社會經濟之需要，亦因之日增，設非銀行挹彼注茲，以扶助其生產力與工商業之振興，則社會何由欣欣而向榮也。然欲扶助而振興之，設非有物焉，爲現銀之信用證券，則經濟之力量，不免有時而感覺薄弱也。於是紙幣尙已。考紙幣肇於巴比倫，猶我國古時之白鹿皮幣，制度權輿，不無簡陋，洎十二世紀以後，意大利銀行由存款證書，輾轉變化而成紙幣，可以代銀，可以兌銀，羣喜其輕而便，風行國中，乃各國爭仿之，駸駸乎遍及全球，或銀行自由發行，或政府限制發行，各審其國情，而定發行之多寡。惟國際貿易，仍需現銀。若我國紙幣，萌芽於大明寶鈔，清季始有完全之紙幣，迄於今茲，雖窮鄉僻壤，莫不知紙幣之等於銀幣交易，而退無煩言也。同學蔣君清如，研究於斯者有年，窮源竟委，析縷分條，撰紙幣概論一書，郵寄索序，余受而讀之，深喜是書之出，裨益於吾國財政金融，至爲宏多，乃勉綴數言，以爲之序。

民國二十四年十二月弟鍾鏗謹序

金序

考吾國上古之世，貨幣用具，繼則用銅，終則參用金銀。春秋戰國時，已完全使用銅幣，但以銀銅缺乏，制用不敷，亦嘗用皮代之，其事具見史傳。漢武之季，兵役頻繁，國用不足，以白鹿皮爲幣，每幣定值四十萬。唐代有匯票之制，號爲飛錢，亦曰便換。宋初，四川商人發行紙幣，隨時可以兌現，惟以紙質粗劣，印刷不精，未能經久，乃規定三年爲一界，俾得以舊易新，惜發行者不能充分準備，未能取信於人，旋即收歸政府發行。宋時紙幣與現幣並用，又有所謂錢引茶引者，類似票據。金代紙幣濫發，物價飛漲，一餅之價，高至三十萬貫。元主中夏，行使法幣，收金銀爲國有，各地設立保管庫，任富商爲庫副，并限制金銀鑄造器皿，先之以中統鈔，繼之以至元鈔，終元之世，發行額達七萬萬餘元。明季濫發紙幣，人民苦之。清承其緒，順治時曾發行一次，咸豐時代，因太平天國之亂，國庫空虛，又發鈔券。後見外國銀行發行紙幣，因創設中國通商銀行（光緒二十三年），戶部銀行（光緒三十年），便發鈔票，以與抗衡。此我國銀行發行紙幣之濫觴也。余友蔣君廷黼，好學深思，近著紙幣概論一冊，問序於余，余喜其書之淵博，與文思之周密，爰再推論我國紙幣之沿革如此，以弁其端，是爲序。

民國二十五年一月吳江金國寶

潘序

原始社會，先民之生活狀態，極單純，極簡易，耕田而食，鑿井而飲，實行其自給自足之主義，根本上無需乎貨幣也。厥後社會日進步，生產力日以繁滋，於是有易無之物物交換關係，遂隨之發生；疇昔老死不相往來之社會，亦以物物交換關係之存在，而發生人與人之間之聯係。惟是物物交換，有時而窮，為救濟此有時而窮之物物交換之缺憾，貨幣制度，遂應運而生。金屬貨幣，尤為古今中外一致所採用。逮夫宋代，承五代錢法混亂之餘，其貨幣之形態，雖銅鐵並用，然仍以銅貨為主，而紙幣與銀，亦復並存。如真宗時代之交子，徽宗時代之錢引，高宗時代之關子，會子，均為紙幣之先河。中歷元明清三代，雖間用紙幣，顧並不重視。及至清季，海禁既開，外國紙幣，隨外商勢力以俱來，充斥市場，利權外溢。未幾，國人乃有紙幣之發行，三十年來，我華紙幣之勢力，力持信用主義，已能深入內地，無遠弗屆。迄民國二十四年十一月四日頒布新貨幣政策，通令全國使用法幣，於是紙幣之效力愈偉，即紙幣之信用愈高，而紙幣政策之研究，與紙幣歷史之考察，愈形切要。蔣清如先生，從事金融業有年，平日致力於貨幣之研究，殫精竭慮，所得甚宏，近於治事之餘，就研求之所獲，與經驗之所積，著成紙幣概論一書，不僅供學者之研究，且適應社會人士之需要，其用心之摯，與致力之勤，尤可敬佩。余與蔣君共事一堂，於其著述之時，尤得先睹為快，用書所見，以紹介於海內閱達焉。

紙幣概論

中華民國二十五年元旦潘文安序於四行調查部

自序

比年以來，經濟之恐慌，瀰漫於全世界，各國人士，欲謀解除此世界之厄運起見，因根據洛桑會議之議決，於前年召集世界經濟會議於倫敦，乃因貨幣穩定問題，法美各邦，利害互殊，致各趨極端，會議宣告無限期之停頓。於是各國經濟恐慌愈甚，競爭愈烈，互結爲集團，各實行其通貨膨脹與匯兌管理等政策。此種經濟戰爭之激烈，已日趨於深刻化。而我國外受世界經濟恐慌之影響，內受天災人禍之相襲，至白銀外流，銀根枯竭，農村破產，百業衰頹，金融恐慌日甚，市面周轉維艱。於是各方呼籲，設法救濟，自去年秋冬迄今，各種方案，已次第實施，如征收銀出口稅及平衡稅也，發行金融公債一萬萬元也，創用商業承兌匯票也，最近則集中發行，禁止用現。凡此種種，其癥結所在，無非爲貨幣問題而已。但貨幣問題，複雜錯綜，莫可究詰，雖窮年累月，亦難得而解決也。不學如予，安敢有所論列。惟值茲吾國幣制改革之秋，此後硬幣已不許流通，則對於現在經濟情形，最有利害之關係，而與人民接觸之機會最多者，莫紙幣若。爰於公餘之暇，將紙幣之學識，以及各國發行之略史，就予見聞所及，分上下兩編，書而出之，儻亦爲研究貨幣問題者之一參考資料云耳。至書中所引用諸家之記錄，各種法規條例及草案，均按原文直錄，以存其真。惟閉門造車，舛誤難免，尙希海內賢達，進而教之爲幸。

本書之成，以師友之鼓勵，并承錢新之先生與潘仰堯先生之熱烈贊助，至爲感激，用附數言，以誌不忘。
中華民國二十四年十二月三十一日清如蔣廷黼序於海上

紙幣概論目次

序 文（以收到先後爲次）

錢 序

吳 序

秦 序

鍾 序

金 序

潘 序

自 序

目 次

上編 學理

第一章 紙幣之意義及其發生……………一

第一節 紙幣係由貨幣進化而產生……………一

第二節 紙幣爲人爲之貨幣……………二

第三節 紙幣爲信用交易時代之貨幣……………三

第二章 紙幣之種類……………五

第一節 概說……………五

第二節 代表紙幣……………六

第三節 兌換紙幣……………七

第四節 不換紙幣……………八

第三章 紙幣之性質面額及資格……………三